

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

EUSKARA, KULTURA ETA KIROL SAILA**26/2017 Foru Agindua, urtarrilaren 16koa, "Ernestina de Champourcin" XXVIII. poesia lehiaketaren deialdia onartzen duena**

Arabako Foru Aldundiaren Euskara, Kultura eta Kirol Sailak, literatura arteak sustatzeko garatzen dituen ekintzen artean, egoki jo du "Ernestina Champourcin" XXVIII. poesia lehiaketarako deia egitea.

Aginduzko txostenak aztertu dira.

Horregatik, eta dagozkidan ahalmenak erabiliz, hau

XEDATZEN DUT

Lehenengoa. Onartzea "Ernestina Champourcin" XXVIII. poesia lehiaketarako deialdia. Bi hizkuntzatan aurkeztu ahal izango dira lanak, euskaraz eta gaztelaniaz, eta haietako bakoitzean 2.000 euro banatuko dira.

Bigarrena. Deialdi hau arautuko duten oinarriak onartzea. Oinarri horiek espedienteari erantsita daude.

Hirugarrena. Gastu hori Arabako Foru Aldundiaren 2017ko gastuen aurrekontuko 70.1.05.73.02.226.09.06 partidaren kontura (xedapen erreferentzia: 105.173) ordainduko da.

Lauugarrena. Deialdi hau ALHAOn argitaratzea.

Vitoria-Gasteiz, 2017ko urtarrilaren 16a

Euskara, Kultura eta Kirol Saileko foru diputatua
IGONE MARTINEZ DE LUNA UNANUE

"Ernestina Champourcin" XXVIII. poesia lehiaketa

Arabako Foru Aldundiaren Euskara, Kultura eta Kirol Sailak "Ernestina Champourcin" XXVIII. poesia lehiaketarako deia egiten du.

Oinarriak

1.- Pertsona fisikoak aurkeztea dute lehiaketa honetara, edozein dela ere haien nazionalitatea edo bizilekua.

2.- Bi hizkuntza modalitate ezarri dira: euskara eta gaztelania. Lan bakoitza bi modalitate hauetako bakar batera baino ezin da aurkeztu.

3.- Aurkeztuko diren olerki liburuek 500 bertso izango dituzte, gutxienez, eta 700 bertso, gehienez; inprenta letraz (Arial 12 edo antzekoa) idatziko dira, eta letra artean espazio bikoitza utziko da. Egileak askatasun osoa izango du nahi dituen ahapaldiak, neurriak eta errima erabiltzeko. Lanak jatorrizkoak izango dira, inoiz argitaratu gabeak eta aurretik beste lehiaketa edo sariketa batean inolako saririk jaso gabeak.

4.- Lanen bi kopia aurkeztuko dira, sinatu gabe, eta horietako bakoitzean izenburua eta izen-goitia besterik ez dira jarriko. Horiekin batera gutun azal itxi bat aurkeztuko da, barruan hauek jasoko dituen: egilearen izen-abizenak, NANaren fotokopia edo, atzerritarra izanez gero, horren baliokidearen fotokopia, helbidea eta telefonoa; eta gutun azalaren kanpoaldean izenburua, izen-goitia eta zein lehiaketatar aurkeztu den zehaztuko dira. Saritutako lanei dagozkien gutun azalak baino ez dira irekiko.

Era berean, lanarekin batera hirugarren oinarria betetzen dela egiaztatzen duen zinpeko aitortpena aurkeztuko da, hau da, lana argitaratu gabekoa dela eta beste lehiaketa edo sariketa batzuetan inolako saririk jaso ez duela egiaztatzen duen aitortpena. Zinpeko aitortpen hori gutun azalaren barruan sartuko da esandako datu pertsonalekin batera.

5.- Lanak Arabako Foru Aldundiaren Euskara, Kultura eta Kirol Sailean aurkeztuko edo hartara bidaliko dira (Probintzia plaza, 5, 3. solairua, 01001 Gasteiz); kanpoko aldean "Ernestina Champourcin poesia lehiaketa" idatzita dutela.

Lanak aurkezteko epea 2017ko irailaren 4an bukatuko da. Egun horren ostean, zigilu marka ikusita epe barruan bidali zirela egiazta daitezkeen lanak baino ez dira onartuko.

Saila ez da izango gerta litezkeen jatorrizko lanen galderen edo narriaduren erantzule, ezta atzerapenena edo postetxeari zein hirugarrenei egotz dakiekeen beste edozein inguruabarrena ere, lanen bidalketei eragiten dietenean.

6.- Saria 2.000 eurokoa izango da modalitate bakoitzerako. Zenbateko horri dagokion atxikipena egingo zaio.

7.- Euskara, Kultura eta Kirol Saileko foru diputatuak izendatutako epaimahai kalifikatzaileak hartuko du erabakia, eta dagokion gutun azala irekita ezagutaraziko du.

Otsailaren 18ko 4/2005 Legeak, emakumeen eta gizonen berdintasunerakoak, 20.5. artikuluan xedatutakoa betez, sari hau emateko sortutako epaimahaiak emakumeen eta gizonen osaera orekatua izango du, eta eduki beharreko gaikuntza, gaitasuna eta prestakuntza edukiko dute kideek. Lege horren beraren arabera, ordezkaritza orekatua dela ulertuko da, baldin eta lau kide baino gehiagoko epaimahai eta antzeko organoetan bi sexuek gutxienez ehuneko 40ko ordezkaritza badute; gainerakoetan, bi sexuak ordezkaturata badaude.

8.- Epaimahaiaren erabakiaren aurka ezin izango da gora jo. Erabakia epaimahaikideen gehiengo soilaz hartuko da, eta epaimahaiak izango du eztabaidetan sortzen diren gorabehera guztiak ebazteko ahalmena.

9.- Sariak eman gabe utz daitezke, epaimahaiak hala erabakitzen badu.

10.- Saritutako lanak argitaratu ahal izango ditu Arabako Foru Aldundiak.

11.- Epaimahaiak saria nori eman erabaki eta hurrengo egunetik aurrera, hogeita hamar egun egongo dira saritu ez diren lanak jasotzeko. Esandako epean ez badira lanak jasotzen, deuseztatu egongo dira.

12.- Deialdi honetan parte hartzen dutenek deialdian adierazitako baldintzak onartzen dituzte eta berariaz men egiten diete baldintza horiei.

13.- Arabako Foru Aldundiko Euskara, Kultura eta Kirol Sailak baino ez du deialdian sor edo ager daitezkeen auzi guztiak ebazteko eskumena.

Indarreko araudia aplikatuko da, eta, zehazki, gizonen eta emakumeen berdintasunaren arau esparrua, Euskal Autonomia Erkidegoko otsailaren 18ko 4/2005 Legean eta martxoaren 22ko 3/2007 Lege Organikoan jasotakoa.

14.- Gastu hau Arabako Foru Aldundiaren 2017ko gastuen aurrekontuko partida honen kontura egingo da: 70.1.05.73.02.226.09.06 ("Kultura sorkuntza eta jarduerak suspertzea").